

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Radna komisija za ustavna i pravna pitanja

Broj: 01/1-151/99

Sarajevo, 9. 09.1999.

Z A P I S N I K

**6. sjednice Radne komisije za ustavna i pravna pitanja Predstavničkog doma
Parlamentarne skupštine Bosne i Hercegovine, održane 9.09. 1999. godine**

Sjednica je počela s radom u 12,15 sati.

Sjednici su prisustvovali: Mirko Banjac, Bogić Bogičević, Ana Havel, Alma Čolo i Rasim Kadić.

Sjednici nisu prisustvovali: Milenka Bošnjak, Miodrag Deretić, Jadranko Prlić i Sejfudin Tokić.

Pored članova Komisije, sjednici su prisustvovali: Vedran Hadžović, sekretar Komisije i Aljoša Čampara, referent za pravna pitanja u Privremenom Sekretarijatu.

Za sjednicu je predložen i usvojen sljedeći

D N E V N I R E D:

1. Usvajanje Zapisnika sa 4. sjednice Komisije;
2. Razmatranje primjedbi, prijedloga i sugestija poslanika iznesenih u raspravi povodom razmatranja Nacrta Programa rada Predstavničkog doma Parlamentarne skupštine BiH za period avgust - decembar 1999. godine;
3. Zakon o praznicima BiH (predlagač: poslanici Sejfudin Tokić i Ivo Divković);
4. Izjašnjenje o provedenoj proceduri glasanja o Nacrtu zakona o osnivanju zajedničkih policijskih snaga za suzbijanje terorizma, međuentitetskog kriminala i neovlašćene trgovine drogom, sa 6. sjednice Predstavničkog doma Parlamentarne skupštine BiH;
5. Razno.

AD 1:

Zapisnik sa 4. sjednice Komisije usvojen je bez primjedbi.

AD 2:

Članovi Komisije su materijal za ovu tačku dnevnog reda dobili uz poziv za sjednicu.

Kraće uvodne napomene dao je Rasim Kadić, a u raspravi su učestvovali: Alma Čolo, Mirko Banjac, Bogić Bogičević, Ana Havel, Rasim Kadić i Vedran Hadžović.

Nakon rasprave, zaključeno je da se Mišljenje o Prijedlogu Programa rada Predstavničkog doma i Doma naroda Parlamentarne skupštine, koje je Komisija dala na 5. sjednici, s tim da se proširi sljedećim stavom Komisije:

1. Komisija ukazuje da se nazivima zakona i analitičko-informativnih materijala u Prijedlogu Programa rada Predstavničkog doma ne prejudiciraju njihovi konačni nazivi i sadržaj.

2. Zaključak o proceduri donošenja zakona i drugih akata potrebno je proširiti, tako da je u prijedlozima zakona, odnosno inicijativa za donošenje ili izmjenu zakona i drugih akata podnesenih od strane poslanika, klubova poslanika, radnih komisija i drugih institucija Bosne i Hercegovine podnesenih Predstavničkom domu Parlamentarne skupštine Bosne i Hercegovine, potrebno navesti: ustavni osnov, cilj i razloge za donošenje, kao i obrazloženje zakona ili drugog akta koji se predlaže, odnosno kojeg je potrebno donijeti.

AD 3:

Dogovoreno je da se razmatranje Zakona o praznicima BiH odgodi za narednu sjednicu Komisije, kada ovaj zakon bude na dnevnom redu sjednice Predstavničkog doma.

AD 4:

Nakon provedene rasprave u kojoj su učestvovali: Alma Čolo, Rasim Kadić, Mirko Banjac, Bogić Bogičević, Ana Havel i Vedran Hadžović, Komisija se nije izjasnila o provedenoj proceduri glasanja o Nacrtu zakona o osnivanju zajedničkih policijskih snaga za suzbijanje terorizma, međuentitetskog kriminala i neovlašćene trgovine drogom, zbog nedostatka kvoruma.

AD 5:

Ukazano je na potrebu ubrzanog rada na razmatranju i usvajanju Poslovnika Predstavničkog doma Parlamentarne skupštine BiH, kao i na objavljivanju međunarodnih dokumenata o ljudskim pravima i slobodama u "Službenom glasniku BiH".

Pored toga, Privremeni Sekretarijat bi trebao Kolegiju pripremiti i predložiti tekst izmjene i dopune Privremenog Poslovnika Predstavničkog doma, kojim će se precizno utvrditi način procedure glasanja u Predstavničkom domu.

Sjednica je završena u 13,10 sati.

PREDSJEDAVAJUĆI
Rasim Kadić

SEKRETAR
Vedran Hadžović